

Hafnanefnd



Langanesbyggð

Stjórnskipuleg staða

Nefndin heyrir beint undir sveitarstjórn og fer málefni hafna sveitarfélagsins þ.e. á Þórshöfn, á Bakkafirði og hafnarsvæðið á báðum stöðum. Sveitarstjóri starfar með nefndinni sem hafnarstjóri.

Skipan nefndarinnar

Í hafnarnefnd eiga sæti 5 fulltrúar, sem sveitarstjórn kýs til fjögurra ára, að afloknum sveitarstjórnarkosningum, samkvæmt ákvæðum sveitarstjórnarlaga og samþykktar um stjórn sveitarfélagsins Langanesbyggðar. Á sama hátt eru kjörnir 5 fulltrúar til vara. Sveitarstjórn Langanesbyggðar kýs formann nefndarinnar en á fyrsta fundi hennar kýs nefndin sér sjálf varaformann.

Nefndinni heimilt að kalla til sín sérhvern þann er tengist þeim málefnum sem nefndin fjallar um hverju sinni.

Hlutverk

Hlutverk hafnarnefndar er að fara með hafnarmál og hafnarsvæðin samkvæmt þeim lögum og reglugerðum sem kunna að gilda um viðfangsefni hennar. Nefndin hefur eingöngu heimild til þess að stofna til útgjalda sem þegar eru að finna í gildandi fjárhagsáætlun sveitarfélagsins hverju sinni. Aðrar útgjaldatillögur skal leggja fyrir sveitarstjórn í formi sérstaks erindis sem tekið er til afgreiðslu á fundi nefndarinnar og fært í fundargerð og öðlast þær ekki gildi fyrr en með samþykkt sveitarstjórnar. Nefndin gerir tillögur til sveitarstjórnar og meðal hlutverka hennar er:

- Að vera sveitarstjórn til ráðgjafar um hafnarmál.
- Að gera tillögur til sveitarstjórnar um markmið í hafnarmálum sveitarfélagsins
- Að hafa umsjón með skipulagsmálum á hafnarsvæði í samræmi við lög þar um.
- Að hafa eftirlit með því að samþykkt markmið sveitarstjórnar í þessum málaflokkum nái fram að ganga
- Að starfa með hafnarstjóra að þeim málum sem undir nefndina heyra
- Að gera tillögur um úrbætur í þeirri starfsemi sem undir nefndina heyrir

- Að hafa eftirlit með að rekstur þeirra deilda og stofnana sem undir nefndina heyra starfi innan ramma laga og samþykkrar fjárhagsáætlunar hverju sinni.
- Að yfirfara drög að fjárhagsáætlun vegna þeirra málaflokka sem undir starfssvið nefndarinnar heyrir og eftir atvikum koma með tillögur að breytingum

Nefndin skal leitast við að ná því grundvallarmarkmiði að tryggja að ákvarðanir hennar og athafnir séu ávallt í þágu allra íbúa sveitarfélagsins og að fulltrúar í nefndinni setji ávallt almannahagsmuni ofar öðrum hagsmunum.

Starfshættir

Um starfshætti nefnda er sérstaklega getið í samþykktum um stjórn sveitarfélagsins Langanesbyggðar og skal þeim fylgt þar sem við á s.s. um boðun funda, fundargerðir, stjórn á fundum, fundarsköp o.fl.

Hafnarnefnd kemur saman fyrir luktum dyrum á fastákveðnum fundartíma. Skal nefndin gera samþykkt um fundartíma á fyrsta fundi sínum. Skyld er að boða til fundar ef meirihluti aðalmanna nefndarinnar krefst þess. Nefndin skal að jafnaði funda eigi sjaldnar en átta sinnum á ári.

Formaður sér um boðun funda í samráði við sveitarskrifstofu. Fundarboðun skal vera skrifleg og tilgreina fundarstað, tíma og dagskrá. Fundarboð skal sent öllum fulltrúum og öðrum sem seturétt hafa á fundinum eigi síðar en tveimur sólarhringum fyrir fund. Aukafund má boða með sólarhrings fyrirvara. Nefndinni er heimilt að ákveða að fundirnir verði boðaðir með rafrænum hætti.

Fundur telst ályktunarhæfur ef meirihluti kjörinna nefndarmanna er mættur á fund. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu.

Formaður nefndarinnar skal halda sveitarstjóra upplýstum um störf nefndarinnar.

Eftirfylgni

Formaður hafnarnefndar skal snúa sér til sveitarstjóra með eftirfylgni staðfesta samþykktu nefndarinnar sem sér um að ákvarðanir sem teknar eru af hálfu sveitarstjórnar komist til framkvæmda.

Réttindi og skyldur fulltrúa

Um réttindi og skyldur fulltrúa í hafnarnefnd gilda ákvæði sveitarstjórnarlaga og samþykktar um stjórn sveitarfélagsins Langanesbyggðar, eftir atvikum, s.s. til að mynda með vísan til IV. kafla í samþykkt sveitarfélagsins um réttindi og skyldur sveitarstjórnarmanna.

Lög og reglugerðir

Í störfum sínum skal nefndin taka mið af þeim lögum og reglugerðum sem gilda um starfssvið hennar. Þá skal nefndin fylgja sveitarstjórnarlögum og samþykktum um stjórn sveitarfélagsins Langanesbyggðar eins og þau eru á hverjum tíma.

Samþykkt í sveitarstjórn Langanesbyggðar **12. maí 2015**

Elías Pétursson
sveitarstjóri